

春秋占筮書





書筮占秋春

撰齡奇毛

王雲五主編

叢書集成初編

春秋占筮書

中華民國二十五年六月初版

撰者 毛奇齡

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

大

(本書校對者鮑嘉祥)

本館據龍威秘書
本排印初編各叢
書僅有此本

春秋占筮書卷一

蕭山毛奇齡

字耆瞻一名姓稿

王國陞德載沈元慶思具較

周易筮書也。周官占人以八頤占卜詞。卽以八卦占筮詞。因之別設筮人。掌三易以辨九筮。使占人占易。皆有成法。而惜乎其書不傳。惟春秋諸傳間存兩詞。其在卜詞。如陳敬仲奔齊。傳所云鳳凰于飛。和鳴鏘鏘是也。而在筮詞。則如陳敬仲初生。傳所云觀國之光。光遠而自他有耀是也。今燹契不作。華氏之卜詞。可無問矣。獨是筮關周易。其詞象變占實出義文。孔子三聖所授受。故每著筮詞。輒屈折幼眇。隨其事之端末而言之明明。指之鑿鑿。凡一十二公。二百四十年間所載。其詞具在。而並無解者。雖杜氏有註。孔氏有疏。義總未明了。卽或焦贛京房虞氏荀氏輩偶一論及。亦且彼此卜度。而不得領要。以致王弼邪說橫行于世。而宋人和之。且謂春秋筮詞統屬附會。一似事後言狀。增損之以欺後世者。不惟占筮亡。卽周易亦亡。夫彖辭卦詞猶筮詞也。聖人設卦觀象以繫詞。猶之剛柔相推。八卦相盪以玩占也。易以象爲詞。而今反舍象而斷詞。易繫詞以明占。而今反舍占而專求此卦詞之字句。是詞象變占不當並設。而究其所爲字句者。又仍無一解。何爲涉川。何爲卽麓。何爲戰龍而乘馬。卽離日坎月。乾金震竹。牛羊甲兵。井繻床肺。凡易之觀象而繫詞者。全然大賈。而乃謂兩傳多事。卽周官三易亦難以考據。將韓宣子來聘所稱易

象、春秋、周禮、在魯者三書。一併亡矣。予作仲氏易，就五易以衍三易，曰變易，曰交易，曰反易，曰對易，曰移易。且作推易始末，立十筮以括九筮，曰名，曰義，曰象，曰方位，曰次第，順逆，曰大小體，曰互體，曰時日氣，曰數目，曰秉承，敵應，及書成而易義明，即占易之法，亦與之俱明。覺向時讀諸傳而茫然者，而今豁然。向之繹其詞，覈其事，以爲必不能有是而悶然者，而今則實見其有是而粲然快然。此非三古以來數千年不傳之祕，至今日而始發之乎？當說易時，亦稍存其說于卷中，而觀者以爲簡約多未備，且雜附難考，因專輯此書，名曰春秋占筮，以倖存周官筮人之一綫焉。

門人

張文彬（二監）
孫大志（廣其）

張文楚（南服）
倪宗烈（承武）

張文鳳（風材）
詩（綢長） 輯錄

春秋內傳

莊二十二年傳

陳厲公生敬仲，其少也。周史有以周易見陳侯者。周史，周太史掌書善易筮者。

陳敬仲，即陳公子完也。是年，陳宣公殺太子御寇，而敬仲慮禍及奔齊。齊侯使爲卿，其後子孫田氏，竟代齊有國，因追遡前事而述少時周史占筮之詞，以爲後驗。

陳侯使筮之，遇觀

坤上

䷓ 之否

坤下

䷋

所遇是觀卦，以四爻動當變，故以六四變九四，以巽變乾，謂之之者，往也。後倣此。

此是兼卦。凡筮有專卦兼卦，總合卦中所有名位體象，往來順逆諸法，而備推之，無專卦占總象，兼卦

占變爻所遇所之。但占遇而不占之之說。與宋人易學啓蒙占法大別。惟隋劉炫謂兼卦亦祇占遇卦而不占之。以哀九年晉侯筮救鄭陽貨祇占所遇歸妹一卦爲證。然亦非是。說見後。

曰。是謂觀國之光。利用賓于王。此觀卦六四爻詞。此其代陳有國乎。不在此。其在異國乎。非此其身。在其子孫。

自此至其昌乎。皆史之筮詞。是謂二句。是象詞。先明述象詞。隨下數斷語。然後次第發明之。大抵作筮詞法。或散或韻。總任撰筮者臨占撰造之語。非舊有成文如是也。焦贛見他傳有全用韻者。疑爲成文。因造易林一書。預爲韻詞。一如神詞之筮經。以待人來占。則可笑甚矣。若郭璞亦自造龜卜繇詞。名曰辭林。則皆其自記已卜之事。與筮詞同。

夫巽坤何以名觀也。巽坤者。兼畫之艮。卽大艮也。如臨爲大震。三三類。說卦。艮爲門闕。卽闕門。又名觀門。傳所稱

兩觀者也。特朝有觀。廟亦有觀。舊以艮爲鬼門。指宗廟言。而其解則祇以觀闕懸象。備觀看之義。故諸爻皆觀上觀

下。各有所觀。而惟此一爻。則正值大艮闕門。與三五同功。互艮闕門之內。每卦以三至五。二至四。爲互卦。名爲同功。恰是觀

象。觀象者。觀光也。筮法。卦有方位。方者。離南坎北之類。位者。六爻之位。如一二三爲陽陰陽。爲離位。四

五六爲陰陽陰。爲坎位。此定位也。然位上加爻。錯雜難辨。惟純陰純陽則見之。故坤惟純陰。內卦有離

離爲日爲火。見說卦。爲光。見虞氏易。坤象所云地道光。文言所云含萬物而化光者。雖離光。卽坤光也。今觀

下有坤。坤爲國。見虞氏易。又名國光。其觀國光而至者。書云觀光。詩云休有烈光。皆有國之人。大抵不越

諸侯來朝。諸侯助祭。及諸侯貢士于王三等。而總稱曰賓。其在來朝稱大賓客。在貢士稱賓興。而在助祭則稱王賓。稱助祭之賓。皆賓也。而陳備三恪。適是賓國。此非代陳有國乎。完雖公子。或當嗣君。而無如其變爲否也。既變否。則似不在陳。而在他國。且不在其身。而在其子孫。其故何也。

光遠而自他有耀者也。坤。土也。巽。風也。乾。天也。風爲天於土上山也。有山之材。而照之以天光。於是乎居土上。

則以光者遠而不近。光在此而耀在彼。非可以國光限者。夫坤之爲土。巽之爲風。乾之爲天。皆見說卦。夫

人而知之也。特巽上坤下。有風土而獨無天。今以巽之六四。變乾之九四。是觀外之風。變而爲否外之天。天下濟而地上承。當必有山居其間。而二四互艮。公然山也。二四同功爲互艮。然且艮從巽變。巽爲山木。說卦有

山之材。而照之以乾之大赤。說卦乾爲大赤。三陽輝輝。尙猶是國光也乎。夫國光。坤光耳。此爲天光。以天光而

加國上。光雖遠而國已殊也。此自他者也。異國也。

故曰觀國之光。利用賓于王。庭實旅百。奉之以玉帛。天地之美具焉。故曰利用賓于王。

故賓王有說。諸侯來賓。必各具享禮。陳百物以實于庭。所謂庭實而旅百是也。顧物豈易具。毋論四享

三享。陳物不一。乃卽以玉帛觀之。乾爲金玉。坤爲布帛。皆說卦。向使觀未變否。則有坤無乾。有地無天。有

布帛而無金玉。而今則天地之物。既美且備。此其賓王爲何如者。故曰利也。

猶有觀焉。故曰其在後乎。

然而未逮也。夫否之二四而成互艮也。山也。實觀也。前既爲觀。則朝廟之外。豈當更復有觀者。乃猶有觀焉。高踞艮剛。第俯觀門闕。而身不得入觀象之內。則後此者矣。非其身矣。

風行而著于土。故曰其在異國乎。若在異國。必姜姓也。姜大嶽之後也。山嶽則配天。物莫能兩大。陳衰。此其昌乎。

如此。則既不在陳。又不在身。象固如是。然而其國安在。夫風行而著于土。任所至而託足焉。其爲異國固然也。顧何異國也。吾以觀否合占之。觀以大艮。合互艮而否。則又以互艮而仍合大艮。則以一大山而領諸衆山之小。此大嶽也。大嶽者姜姓。此必姜氏之國也。然而物有興衰。卦既變否。則必先有否而大至焉。故大嶽配天。天子祭天地。則嶽瀆配之。今否上有天山。山自能配。然而自觀之否。約有四山。觀一大山。否又一大山。而究之合兩爲一。總成一否。艮泰震之大山。否爲大艮。猶泰爲大震。總見筮法。能有兩乎。則必衰。陳而後此國昌。其周史筮詞有如是者。

及陳之初亡也。陳桓子始大于齊。其後亡也。成子得政。原文皆有刪無改。後倣此。

此附記後驗文也。昭八年。楚滅陳。哀十七年。楚復滅陳。故有前後亡。陳桓子。卽無宇。成子。田常也。敬仲至田常。約有七世。又三世滅齊。已十世矣。十者陰數之盡。繫詞地數十。觀否皆內坤。故與數合。

附唐人定命錄。天寶十四年。王諸入解筮。遇乾之觀。謂已及賓王。而大人未見。以乾五不遂遇祿山變。而返。此以貢士賓興。解賓王。頗合筮法。但觀互爲坤。坤在九家易。曰爲亂。在虞氏易。曰爲師。而內坤離位。則說卦直曰爲甲冑。爲戈兵。此與祿山之變。一何駭切。向遇周史。則又疑鬼疑神矣。始知聖人設筮。無時不告。而世卒無知之者。因附識此。

閔元
年傳

初。畢萬筮仕于晉。遇屯。下震三三之比。上坤三三。

畢萬。畢公高之後。仕晉爲大夫。晉侯初作二軍。萬爲車右。以滅魏。遂賜萬以魏。其後分晉有國。此筮仕晉之始也。

辛廖占之。曰吉。辛廖。晉太史。

屯固比入。吉孰大焉。其必蕃昌。

何以吉也。夫屯之爲義也。下震動。而上坎險。皆說卦文。動而得險。故曰屯。比之爲義。下坤土。而上坎水。

土相比。故曰比。然而屯貴貞守。卦所云居貞。又云利貞者。貞也。卽固也。比貴親切。彖所云比輔。象所云比孚者。皆親切者也。切者八也。所守旣貞固。而與物善八。則于以筮仕。有何勿吉。而吾并卜其必後昌者。

震爲土。車從馬。足居之。兄長之。母覆之。衆歸之。六體不易。合而能固。安而能殺。公侯之卦也。公侯之子孫。

必復其始。

則以卦分合有體。自震一變坤。而雷變爲土。因之震之爲車。坤之爲馬。亦相從焉。此合體也。爲車爲馬。說見後。乃分觀震體。則震居乾之下體。而又爲長男。說卦。震爲足。虞氏諸易爲兄。既可作國之長伯。而以觀坤體。則以母覆衆。坤爲母爲衆。見說卦。將育物而物歸之。但觀此六體。而子孫之昌。有不易者。況萬爲畢公高之後。前旣爲侯。則後必以侯復之。屯曰利建侯。則比之建萬國以親諸侯。所之與所遇。始終如一。筮有卦雖變而仍不變者。此其一也。

震爲車。說卦與諸家無考。惟國語司空季子占公子重耳之筮云。震車也。則有據矣。況後秦伯伐晉。傳又稱震爲侯車。此無可疑者。若坤爲馬。則正義以卦詞利牝馬之貞爲證。惟比合屯固坤安震殺。則全無所出。或謂子太叔對趙簡子有爲刑威獄使民畏忌以類其震曜殺戮一語。卽是震殺。則震曜殺戮四字連列。非相承作解。何足爲據。

閏二年傳

成季之將生也。桓公使卜楚邱之父卜之。

此不載

又筮之。遇大有。

乾上離上

三三之乾。

乾下乾上

三三

成季魯三家季氏之祖季友也。以諡成曰成季。

曰同復于父敬如君所。

父所韻

此卜父筮詞。然從無解者。舊註云。乾爲君父。離本是乾子。今還變爲乾。故曰復父。然仍不可解。按季友

爲魯桓第四子。長莊公。次仲慶父。又次叔牙。季其少也。少子將生而筮男女。則其所告者當不出六索之法。卦見說乃遇大有而變上離。則離爲中女。原有未合。然獨不曰季與莊公爲同母弟乎。二人皆嫡母文姜所生。而仲叔兩家總屬長庶。古嫡稱同母。庶反稱同父。惟重嫡故并重母。則以女君生次子而專屬之母。比之坤母之再索。則再索得離。何爲不可。不過曰此女君之次生云耳。乃一變爲乾而已。復父矣。乾爲父。此同父矣。然且乾爲純父。爻內有卦位。說見前向爲上離時。則坎位不見。今變乾而中坎昭然。坎爲次子。則向爲母索者。今變爲父索。非復父乎。又且嫡庶分父母。并分氏族。長嫡既爲君。則必次嫡爲大宗。諸庶爲小宗。而後各改氏而共成一族。以一父也。此宗法見大今桓之四子。莊既嗣桓。則季氏大宗。仲叔小宗。當合仲叔季三氏而共成桓族。謂之三桓。乃次嫡未生。離未變乾。則上卦三乾。中闕其一。安所得三桓而齊視之。而一變而三乾並列。總成一乾。三桓三族。總一桓族。則其所爲復父者。獨季氏也乎。故曰同也。

若然。則乾爲君父。不惟同父。亦且同君。雖非君而如君之尊。可以推位而得之位者所也。祇君所不同。初遇大有時。上離下乾。離日而乾天。日居天上。已駸駸有凌所之勢。及一變而大有六五。竟改爲乾之九五。九五君位。雖非大有六五交孚威如有合同謹畏之象。亦誰敢不敬。宜乎季孫之後。專國政而卑公室。儼然君也。特是大有之變。衆多分勢。大有衆多之象而離位南方。終守北面。故春秋戰國。他饒篡竊而魯

獨無有。卽昭公出遜。亦且虛位多年。不越尺寸。則其敬君所者。豈眞君所哉。如之而已。

僖十五年傳

秦伯伐晉。卜徒父筮之。吉。涉河。侯車敗。詰之曰。乃大吉也。三敗。必獲晉君。

秦伯、秦穆、晉侯、晉惠也。晉惠入國。實秦穆所納。而晉不報德。而反報以怨。故伐晉。卜徒父掌卜筮官。自吉以下六字。皆徒父之言。是時筮者見卦象有異。怪之。不先示何卦。急曰。涉河。侯車敗矣。秦伯不知卦。并未聞筮詞。恐車敗在己。故詰之。乃曰。我大吉。其敗在晉。且不止車敗。似當三敗其前軍。而後敗侯車。而獲其君。其故何也。

其卦遇蠱。

上艮下巽

三三

以其卦遇蠱也。前此數語。則皆於此一語解之。蠱內巽外艮。內旣巽順。而外復艮止。動輒得敗。故曰蠱。蠱者敗也。乃以象言之。凡兩卦之間。有一剛在中。卽謂之坎。今以兩剛居初四之間。則在蠱卦詞。原曰涉川。蠱元亨利涉大川而秦之入晉。又必踰河以進之。因而曰涉河。此固然也。顧旣已涉河。則兩軍相接。當占車乘。今蠱之三五。恰有互震居其間。則震車也。前見且此非他車。震爲諸侯。見九家諸易卽侯車也。然且震名仰孟。見卦實有類于車箱然。且蠱上有艮。艮爲倒震。見轉易法震一倒而車箱盡傾。向之所爲仰孟者。今覆盃矣。艮覆盃亦卦訣傾與覆爲敗。則敗矣。故曰侯車敗。

張文楚曰。先生解是傳成。客有從江寧來者。驟見大驚。以爲入神。然究未敢信。曰。轉易何據。先生曰。

轉易卽倒易。文王設此法爲序卦用者。凡六十四卦。惟乾、坤、坎、離、頤、大過、中孚、小過、八卦不倒。餘則屯、蒙一倒。需、訟一倒。師比一倒。皆兩兩顛倒。歷排之以至于盡。是轉易一法。實周易開卷一大面目。而舉世不曉。宜乎六經盡亡。遭宋人蠱惑而終不察也。客乃取易諦視之。再拜而退。

特蠱以敗名。不止一敗。似涉河之時。當先有三敗。而後及于車敗者。按推易一法。類聚羣分。必以陽之合聚者。分移他卦以爲卦。謂之往來。泰之小往大來。否之大往小來。皆是也。往者去也。今蠱之爲卦。實從泰與恒損。三陽合聚者。往來而成。然而無陽來。而祇有陽去。一從泰之三陽。初往上來。一從恒之三陽。四往上來。一從損所環聚之三陽。初往三來。說見仲氏易卷首及各卦。凡此三推。皆以我所聚三陽。往而移彼。謂之三去。去與驅通字。卽三驅也。然且三去。必涉河。泰踰兩剛。泰初論二三陽兩陽而出險。卽是臨河。下同。損踰一剛。恒且踰上位。隱坎之剛。上爲坎位。隱見于外。說見前。是前稱三敗。後稱三去。皆于踰河時見之。故曰必涉河。而後侯車敗。非無謂也。

張文獻曰。推易卽移易。在伏羲時卽有之。如山澤爲損。三三亦從泰之三陽。二往上來。及倒損爲益。上風下雷。三三則又從否之三陽。初往四來。此倒易。亦移易也。然而損下益上。損下卦一陽而益之上。則所損在我。卽名曰損。損上益下。損上卦一陽而益之下。則所益在我。故名曰益。是伏羲畫卦。亦早以推移往來。定卦名矣。況小大往來。文王言之。剛來下柔。柔來文剛。則孔子言之。然且類聚羣分。

剛柔相推。繫詞兩篇。無非解推易一法。此真三聖作易之至祕。而五易全亡。九筮滅沒。非先生其誰發之。

然而必知獲君者。艮爲止。天下無車敗。而車中之人不止。獲者。凡被獲曰止。國語。君之止。子之罪也。竟以獲稱止。卽此事也。又且艮爲手爲拘。拘者係也。說卦。拘。義作狗。今從荀易改正。故隨爲倒蠱。見轉易法。而隨之互艮。亦且拘係。小子拘係。丈夫而繼之。曰隨有獲。此非拘止之而獲之也乎。是晉侯之獲。歷觀之艮象。而有斷然者。故曰此可必也。

曰。千乘三去。三去之餘。獲其雄狐。夫狐蠱。必其君也。去叶

此又作有韻策詞。以申括之。千乘。諸侯也。三去。見前。雄狐者。艮爲狐狼。見虞氏易。艮之陽一爻。卽雄狐也。

蠱者。君父之惡。以陽狐而擅君父之惡。是狐而蠱者。故曰必其君。

蠱之貞。風也。其悔。山也。歲云秋矣。我落其實。而取其材。所以克也。實落材亡。不敗何待。

此又別解內外象。以備餘意。洪範內卦爲貞。外卦爲悔。內巽外艮。則內風外山。象固然也。但據經文。此時十一月。而傳稱秋者。周之十一月。卽夏之九月。恰是秋時。卜筮重時氣。故必以夏時斷之。若艮象無材。而曰材曰實。以卦有互震。震爲木。而上連艮山。謂之山木。則山有材實矣。此與陳敬仲傳有山之材義同。

三敗及韓。

此下記事文。今卽錄之以明驗。韓。晉地。卽韓原。

戰于韓原。晉戎馬還澮而止。

戎者。晉侯之車。傳稱步揚御戎。家僕父爲右者。馬。卽小駟駕車者也。還。盤旋也。止者。拘也。駕車之馬。盤旋泥澮中。而拘止其車。此車敗之驗。

秦獲晉侯以歸。

穆姬聞晉侯將至。以太子瑩。宏。與女簡璧。登臺而履薪焉。使以免服衰經迎。

穆姬。秦穆夫人。晉惠姊也。太子瑩。卽秦康。宏其母弟。與女名簡璧。皆姬所生。履薪者。自囚請罪之禮。且使行人喪服迎秦伯。明必死也。

子桑曰。歸之而質其太子。必得大成。

子桑。秦大夫公孫枝也。謂當歸晉君。太子圉爲質。秦伯從其言。

乃許晉平。

春秋占筮書卷二

初晉獻公筮嫁伯姬于秦遇歸妹兌上三三之睽離上三三史蘇占之曰不吉

此又追記晉嫁姬筮詞以并驗其事史蘇晉筮官

其繇曰士刳羊亦無益也女承筐亦無貺也

繇卽易詞士刳羊二句本歸妹上六爻詞先述之以明不吉之故蓋歸妹名卦原以上震長男與下兌少女難爲匹配故以震兄兌妹作長兄嫁妹之象此本不利嫁娶者況歸妹上爻正言新娶謁廟禮所稱男以特羊告廟女以棗栗脯脩承筐進獻者而乃上非正位下又無應娣姒匹配薦享不行則雖震爲筐震仰孟爲筐又服虔謂震爲竹竹爲筐兌爲羊離爲刀坎爲血皆說卦諸象皆見而上位過高不惟超兌亦越離坎雖欲行謁禮而無其具也

西隣責言不可償也歸妹之睽猶無相也

兌西方之卦秦在西恰是西隣服虔以爲三五互坎坎爲月月出在西爲西隣則間一層矣責言不償正指伐晉責報言兌爲口舌動多責讓而互坎之耳半掩于震互坎半體爲震所掩誰能償之相助也婚姻以求助傳所謂繫援之者而歸妹之睽則一嫁而睽隔之矣且上曰睽孤孤亦何助